

明 鄭曉撰

(國學文庫第一編)

皇明四夷考

中華民國二十二年六月重印

皇明四夷考序

四夷何以首安南也我郡縣也次兀良哈何我武衛也哈密女直非歟
羈縻之廣非我官長也兀良哈之有三衛以靖難歟非也大寧之北有
三衛也蓋自洪武始也其南據大寧也乃自永樂始也將復交趾而收
大寧乎都統之議夷且噴我革蘭台以駸駸乎我貳矣棄哈密而撫女
直乎哈密罷我河西女直扞我遼東也土番入哈密而喜峪不驚胡虜
通女直而山海弗靖矣朝鮮何以次兀良哈也知禮教也大國也琉球
小夷何以次朝鮮也學于中國也何以終難馴也非勅寇乎我勝國也
盛衰之運中國有安危焉以故別考而存之戰守之略可幾而得矣高
皇何以有海外之使也更始也成祖西洋之纜不已勞乎鄭和之泛海
與胡濙之頒書也國有大疑焉爾羌三王胡四王我厓厓焉西番五王

皇明四夷考序

皇明四夷考序

據吾學編(萬曆刊本每半葉十行每行十九字)重印

(定價國幣七角五分)

世優之何也不能爲我深創也苟因俗而治之得相安焉可矣西域何
以不得浮南海也王公設險假樹渠焉如之何使其縱橫出入幾徧宇
內也海島之夷勤我封使往來之禮歟夷不言往來言諸侯也四
夷來王八蠻通道未聞有報使焉然則領封可乎奚爲而不可也陪臣
請命于京師王人致命于海上非往來乎嗚呼均覆載者天德也辨華
夷者王道也昔也外夷入中華今也華人入外夷也喜寧田小兒宋素
卿莫登瀛皆我華人雲中閩浙憂未艾也是故慎封守者非直禦外侮
亦以固內防也池魚故淵飛鳥舊林人情獨不然乎彼其忍於捐墳墓
父母妻子鄉井而從異類者必有大不得已也嗚呼德惟善政政在養
民盍亦反其本矣不然而欲郡縣我子弟武衛我干城烏可得哉
嘉靖甲子三月朔日鄭曉識

中國少數民族古籍集成(漢文版)

皇明四夷考

〇〇一

皇明四夷考目錄

上卷

安南	三
元良哈	二二
朝鮮	二六
琉球	三二
女直	三七
三佛齊	四一
占城	四三
日本	四七
真臘	六一
暹羅	六二
蘇門答刺	六三

皇明四夷考目錄

皇明四夷考目錄

黎伐	八〇
哈密	八〇
赤斤蒙古	九九
安定阿端	一〇〇
曲先	一〇〇
罕東	一〇一
撒馬兒罕	一〇二
天方	一〇六
迭里迷	一〇六
渴石	一〇六
賽夷	一〇七
達失干	一〇七
卜花兒	一〇八
土魯番	一〇八

下卷

爪哇	六五
古里	六九
淳泥	七〇
滿刺加	七一
榜葛刺	七二
錫蘭山	七四
蘇祿	七五
柯枝	七六
祖法兒	七七
溜山	七八
南泥里	七九

一 二

黑婁	一一
鹽澤	一二
哈烈	一二
默德那	一四
俺都淮	一五
八刺黑	一五
于闐	一五
火州	一七
別失八里	一八
魯陳	一八
沙鹿海牙	一九
賽藍	二〇
哈失哈力	二〇
亦力把力	二二

皇明四夷考目錄

皇明四夷考目錄

阿丹	一二
白葛達	一二
呵哇	一二
瑛里	一二
西洋瑛里	一二
彭亨	一三
百花	一四
婆羅	一四
阿魯	一五
小葛蘭	一五
拂林	一五
古里班卒	一六
呂宋	一六
合貓里	一六
磔里	二七
打回	二七
日羅夏治	二七
忽魯母恩	二八
忽魯謨斯	二八
甘巴里	二八
麻林	二九
古麻刺	二九
沼納模兒	二九
加異勒	二九
黑葛達	三〇
敏真誠	三〇
八答黑商	三〇
斡邦	三一

火刺札	三一
討來思	三一
吃力麻兒	三一
失刺思	三一
納失者罕	三一
亦思把罕	三一
淡巴	三四
甘把里	三四
白松虎兒	三五
答兒密	三五
阿速	三六
沙哈魯	三六
西蕃	三七
捷賴	四二

皇明四夷考目錄終

皇明四夷考上卷

中央民族

海國圖志

皇明祖訓曰四方諸夷皆限山隔海僻在一隅得其地不足以供賦得其民不足以供役若其自不揣量來擾我邊則彼爲不祥彼既不爲中國患而我興兵輕伐亦不祥也吾恐後世子孫倚中國富彊貪一時戰功無故興兵致傷人命切記不可但胡戎與西北邊境互相密邇累世戰爭必選將練兵時謹備之不征諸夷東北朝鮮子成國其李仁者自尼武六年至二十八年首正東偏北日本世廟時爲不軌故絕之正南偏東大琉球朝貢太學王禮待甚厚小琉球不通往來西南安南

皇明四夷考上卷

皇明四夷考上卷

一三年眞臘朝貢如暹羅占城自古城以下諸國朝貢時內帶行商蘇門答刺西洋海濱瓜哇彭亨百花海三佛齊

中層海 淳泥中層海

洪武四年九月上御奉天門諭省府臺臣曰海外夷國爲患中國者不得不討不爲中國患者不可輒用兵古人言地廣非久安之計民勞乃易變之源隋煬帝妄興師旅征討琉球荼毒生民徒慕虛名疲中土輟諸史冊爲後世譏朕以諸小蠻夷阻越山海不侵中國無煩用兵惟西北胡戎世爲中國患不可不謹備卿等記此言知朕意
洪武十五年命翰林侍講火原潔等編類華夷譯語上以前元素無文字發號施令但借高昌書製蒙古字行天下乃命原潔與編修馬懿赤

黑等以華言譯其語凡天文地理人事物類服食器用靡不具載復取元秘史參考以切其字諧其聲音既成刊布自是使臣往來朝漢皆能得其情

凡四夷分十八所設通事六十人大通事有都督都指揮等官統諸小通事總理貢夷降夷及歸正人夷情番字文書譯審奏聞

永樂七年遣太監鄭和 Wang 弘侯顯率官兵三萬下西洋凡西洋功次即非斬首選法不得減革十三年吏部員外郎陳誠上使西域記凡十七國

安南

安南唐虞時南交也秦爲象郡漢爲南越所據武帝平南越置交趾九

皇明四夷考上卷 安南

皇明四夷考上卷 安南

眞日南三郡朱梁時始土豪曲承美者據之已而并于劉隱未幾管內大亂衆推豪酋丁部爲州帥部子璉繼立宋旣平嶺表璉遂內附黎桓篡丁氏李公蘊又篡黎氏陳日煚又篡李氏宋以遠夷故置不問相繼皆封爲交趾郡王元朝兼有華夷至憲宗遣將破其國而日煚竄居海島弱不能支始歸附元封其子光昌爲安南國王光昌死子日烜自立元發兵破之日烜卒子日煇遣使朝貢元末天下大亂安南不至明興削平羣盜驅逐胡元洪武元年登極詔諭薄海內外日煇大懼又聞征南將軍廖永忠副將軍朱亮祖帥師逾嶺降何眞定廣東西日煇欲納款又以梁王尙在雲南持兩端二年始遣其少中大夫同時敏正大夫段悌黎安世等來朝貢請封遣侍讀學士張以寧典簿牛諒封日煇爲

安南國王賜駝紐塗金銀印以寧等至安南界日燧已卒其弟日燧嗣立遣阮汝亮迎請誥印以寧等不從日燧遣杜舜欽等請命于朝以寧駐安南候命詔封日燧爲王是年遣翰林編修羅復仁兵部主事張福詔諭安南占城國王各罷兵息民皆聽命三年日燧卒封其子日鑑嗣王五年陳叔明遣人朝貢却不受明年又遣人納貢謝罪請封常是時燧嗣王叔明者燧兄也專國政十二年燧遣使來貢上惡其強悍數侵占城詔諭叔明二十年燧遣使賀聖壽二十一年國相黎季犛廢其主燧幽大陽坊尋弑燧立叔明子日焜主國事二十二年又弑日焜假燧名遣人來貢二十六年遣禮部尙書任亨太監察御史嚴震直諭令出兵討龍州趙宗壽二十七年遣人朝貢却不受二十九年遣行人陳

皇明四考上卷 安南

五

誠呂讓諭令還思明伍縣不聽陳氏傳十二世至日焜而黎氏篡立僭稱皇帝國號大虞紀元天聖永樂初季犛上表竄姓名爲胡一元子蒼易名左詐稱陳氏絕存爲陳氏甥求權署國事朝廷從其請逾年陳王孫添平走至京言季犛弑篡季犛詐上表請迎添平歸還以國上遣行人聶聰送添平歸國勅征南副將軍黃中呂毅率兵禦之季犛伏兵芹站殺添平及我使人上怒永樂四年七月辛卯以成國公能爲征夷將軍總兵官西平侯晟新城侯輔左右副將軍豐城侯彬雲陽伯旭左右參將大將軍率右副將軍右參將及清遠伯友統神機將軍程寬朱貴遊擊將軍毛八丹朱廣王恕等橫海將軍魯麟王玉商鵬鷹揚將軍呂毅朱吳江浩方政驃騎將軍朱榮金銘吳旺劉塔等二十五將軍以兩

皇明四考上卷 安南

六

京畿荆湖閩浙廣東西兵出廣西憑祥左副將軍左參將統都指揮陳睿盧旺等以巴蜀建昌雲貴兵出雲南蒙自兵部尙書劉儔參贊戎務尙書黃福大理寺卿陳洽轉餉是日上幸龍江禱祭藝衆曰黎賊父子必獲無赦脅從必釋毋養亂毋玩寇毋毀墓毋害稼穡毋恣取貨財毋掠人妻女毋殺降有一於此雖功不宥毋冒險肆行毋貪利輕進罪人既得即擇立陳氏子孫賢者撫治一方班師告廟揚功名於無窮其往勦之時晟鎮雲南先遣彬以征夷副將軍印制授晟十月輔兵度坡壘關傳檄數黎賊二十罪遂入雞陵關晟兵至白鶴江賊拒守富良江能卒以輔爲征夷將軍代能十二月勅行人朱勸諭黎賊晟兵奪宜江進次沱江輔兵渡沱江合兵渡富良江進克多邦城焚賊西都賊走入

皇明四考上卷 安南

七

海輔駐兵交州晟追賊至木丸江五年正月輔晟合兵破籌江棚賊走閩海口敗之富良江五月賊走又安都督僉事柳升率舟師追賊敗之得賊船三百賊遁且入海輔晟乘勝追之升引兵出奇羅海口賊敗卒王柴胡等七人擒季犛李保等十人擒其子澄安南人武如卿等僞大虞皇帝蒼僞太子芮僞將相王侯柱國黎季貌等詔求陳氏後復立爲安南國王國人言黎賊殘陳氏無後乃郡縣其地立交趾布政使司都指揮使司按察司分十七府曰交州北江諒江三江建平新安建昌奉化清化宣化大原鎮蠻諒山新平又安順化升華四十七州一百五十七縣衛十一所三市舶司一改雞陵關爲鎮夷關安撫人民三百二十萬獲蠻人二百八萬七千五百糧儲一千三百六十萬石象馬牛十三

皇明四考上卷 安南

八

萬五千九百船八千七百軍器二千五十三萬九千勅黃尚書兼掌布按二司事勅輔晨備交趾應有懷才抱德山林隱逸明經能文博學有才賢良方正孝悌力田聰明正直廉能幹濟練達吏事精通書算明習兵法武藝智謀容貌魁偉語言便利齊力勇敢陰陽術數藥醫方技之人悉心訪求禮送京師擢用九月輔遣升露布獻俘李瑩蒼及偽將相下獄赦澄苒等令有司衣食之陞柴胡等指揮使僉事千戶是冬贈故安南國王陳氏子孫七人官六年七月進封輔爲英國公晟黔國公封升安遠伯八月交人簡定鄧悉反以晟爲征夷將軍帥師討之僞仍參贊十二月晟與賊簡定戰於生厥江敗績僞都督呂毅交趾參政劉昱皆沒七年二月勅輔總兵討賊言晟出師失律致賊猖獗今聞鄧悉死

皇明四夷考上卷 安南

九

皇明四夷考上卷 安南

一〇

而八百媳婦老嫗猶供饋者何人賊云有象五萬又謂我將帥皆易與宜戒慎同心協力早滅此賊五月簡定稱上皇立陳季擴爲大越皇帝改元重光八月輔敗賊于鹹子關九月又敗之太平海口十月季擴稱故王後請封輔不聽進兵至清化十一月輔獲簡定及其僞將相八年正月召輔還令晟節制諸軍簡定檻至京伏誅十二月季擴人上表請降遣方通政諭季擴以爲交趾右布政使又以其黨陳原樽爲參政胡具澄景異鄧鎔都指揮潘季祐按察副使是月季擴景異復九年正月以輔爲征虜副將軍總兵會征夷將軍晟率師討之二月詔赦交趾七月輔晨敗賊于月常江十一月輔率舟師破賊于海上十年八月又破賊于神投海口十月又破賊西心江十一年十二月輔晨會兵敗賊

于愛子江擒季擴十二年八月檻至京伏誅十三年四月以輔爲征夷將軍總兵鎮交趾十四年十一月召輔還豐城侯彬代輔十六年正月清化土官巡檢黎利反侯彬遣都督朱廣往勦之利初從季擴爲金吾將軍已而來降令爲土巡檢輔還遂反稱平定王以弟黎石爲相國段莽都督聚賊衆范柳范晏等肆出劫掠廣兵至斬首六百擒晏利遁去彬請就交趾戮晏等以徇七月交趾右布政使莫勛及交州知府杜希望令縣丞黎獻率家人五百力役北京十七年巡按御史黃宗載言交趾新入版圖勞來尤在得人今府州縣多兩廣雲南歲貢生及下第舉人未入國學乞仕遠方遂授以職既乏大學教養之素又非諸司歷試之才以故牧民者不知撫字理刑者不諳法律若候九年黜陟廢弛益

皇明四夷考上卷 安南

一一

皇明四夷考上卷 安南

一二

多宜令到任二年以上者從巡按御史及布按二司嚴覈其廉汙能否上狀黜陟從之十八年五月勅侯彬叛寇黎利潘僚車三農文歷等迄今未獲未審兵何時得息民何時得安宜盡心畫方略早滅此賊交趾參政侯保馮貴討賊戰死十九年五月彬請屯田九月彬言利奔老撾我進兵討捕老撾輒遣頭目覽者耶阻我兵勿入境云即發兵象大索利送軍門久之竟不獲利上曰老撾匿賊持兩端令彬遣頭目至京詰之是冬敕利以爲清化知府遣內官山壽諭利二十二年仁宗即位召福建以洽爲兵部尙書代福是冬交趾參將保定侯瑛榮昌伯智言壽未至利復反改大理寺卿楊時習爲按察使以弋諫爲布政使內官馬騏自交趾召還未幾矯旨下內閣書勅復往交趾開辦金銀珠香內閣

覆請上正色曰朕安得有此言此奴囊在交趾荼毒軍民卿等獨不開乎自驥召還交人如解倒懸豈可再遣然亦不誅驥也洪熙元年二月以智爲征夷副將軍總兵討利六月宣宗即位七月命行在兵部侍郎戴綸副治寶理智軍務八月賊阮可耶等伏誅十一月勅智及安平伯安都督方政及三司賊利包藏禍心已非一日始若易取誤信人言惟事招撫迄今八年終不聽命忠臣罹害良民被毒其誰之過智等其急進兵務協和成功來春不捷論罪是月上欲棄交趾問英國公輔尙書義原吉皆曰不可棄問內閣士奇榮皆頓首稱善宣德元年三月智政兵討利進至茶籠州敗績四月以成山侯通爲征夷將軍總兵都督馬瑛參將討賊尙書洽仍贊參軍務安平伯安學交趾都司事削智政官

皇明四夷考上卷 安南

一三

皇明四夷考上卷 安南

一四

爵五月敕交趾十一月通擊賊敗績十二月賊攻清化州不利引去以安遠侯升爲征虜副將軍總兵保定伯銘左副總兵都督崔聚右參將由廣西黔國公晟爲征南將軍總兵興安伯亨左副總兵新寧伯忠右副總兵由雲南率兵兩道討賊兵部尙書李慶參贊軍務工部尙書兼詹事黃福仍掌交趾布按二司事勅通守城練兵侯升等至進兵二年正月上念久用兵勞費又問大臣士奇榮力贊上止兵棄交趾便利攻交趾城通等出戰敗之斬僞司徒司空太尉少尉太監黎笏等四月利陷昌江通欽兵不出賊書與通請和通遂許清化諸州地與賊遣指揮關忠與利所遣人上表貢方物七月賊破隘留關圉丘溫鎮遠侯興祖擁兵南寧不肯援城陷逮興祖九月升等師至隘留關利遣人詣軍門

上書言窮迫乞罷兵立陳氏後升易賊賊伏四起升中鏢死是日銘病卒明日慶亦卒聚兵亦敗諸將兵皆阻賊不得進十月通出下哨河立壇與利盟約退師且宴利遣利金織文綺利亦以重寶謝通是月忠及利所遣人至京表以陳嵩爲名實出利上覽表示羣臣曰賊表乞復立陳氏後從之便抑不從便羣臣以內閣主議故皆曰從之便上曰然十一月以行在禮部侍郎李琦工部侍郎羅汝敬充正使通政黃驥鴻臚卿徐永達副使詔諭安南言利表言前國王遺嗣嵩尙在老撾國人乞封嵩王永奉職貢頭目者老其以實對朕即遣使授封朝貢如洪武故事又勅通等即日班師內外鎮守三司衛所府州縣文武吏士携家來歸三年正月通馳奉僞王陳嵩遣黎少頴表貢代身金銀人謝罪并送

皇明四夷考上卷 安南

一五

皇明四夷考上卷 安南

一六

我叛人都督都指揮蔡福等還京乞班師臣兵寡援絕人情警懼賊控據水陸陷奪城池臣與衆議不如因其納貢請降全師出境再圖後舉臣已率將士還至南寧俟命上覽奏勅通虧損臣節道笑蠻方如國體何三月少頴至京表稱安南國先陳王臣順三世嫡孫臣嵩及頭目臣黎利云四月通至京羣臣劾通及瑛智安政布政使弋謙內官山壽馬騏等下廷鞠言通等失律喪師棄地壽曲護叛賊騏激變藩方論死繫詔獄籍其家瑛等坐罪有差與祖亦下詔獄五月琦汝敬等還利遣人表謝言嵩會病卒族人並絕國中推利守國候命汝敬永達復奉詔諭利及耆老訪陳後聞羣臣又劾晟亨忠奉命與升犄角進兵願逗遛逾時方臨賊境與升等聲聞斷絕賊得專力拒我及聞升陷沒又不進援

通等輒狼引退爲賊所乘殺傷吏士委棄鎧仗賊勢益橫城池失守乞亟正邦刊上曲赦晟令臺中緘劾章示晟亨忠侯還京論罪贈交趾死節都指揮李任指揮顧福劉順徐驥周安千戶蔡顯桂勝知府劉子輔易先知州何忠內官馮智等官武官世職文官復其家誅叛臣蔡福等籍其家四年二月汝敬等還利遣人貢方物三月遣琦永達行人張聰勅諭利三月琦等還利遣人貢金銀鈔器方物并上國人奏言陳氏無後利撫綏有方得民心乞令管攝永爲藩臣奉職貢六年五月利遣人陳情謝罪貢方物六月遣行在禮部侍郎章敞通政徐琦詔利權署安南國事七年二月敞等還利遣人貢謝八年八月利遣人入貢九年三月廣西總兵山雲言利死長子在妄次子幼弱姦臣黎問黎察搆黨

皇明四夷考上卷 安南

一七

皇明四夷考上卷 安南

一八

相讐殺夷民驚懼諒山土官阮世寧七源土官阮公廷率衆避難來歸願居廣西龍州及太平府上下凍州勅雲利本起微賤因奏立嵩從人望朕志在息民遂詔罷兵徐議立嵩利遠奏嵩死嵩之死利所爲也朝廷即欲問罪不忍毒民令權署國事多行不義爲天所殛爾戒飭邊兵嚴謹守備勿忽世寧公廷可善撫之四月琦等還言利死利子麟遣人告喪獻金人方物五月遣行人郭濟朱弼祭利十月麟令人上表請命遣敝及行人侯璉諭麟仍權署安南國事十二月欽州貼浪如昔人叛降麟正統中麟卒子濬嗣天順中濬被篡弟灝嗣弘治中灝卒長子暉先卒子誼嗣正德初誼被篡國人請以灝庶子嗣嗣朝廷登極改元遣使詔諭交曾亦數遣使朝貢然時南侵占城占城上聞諭禁之輒陽

聽命侵盜如故已而中國人多潛入交南至有受僞御史者教之窺伺雲南太監錢能貪殘令京衛指揮郭景矯奉勅旨往來交南猾夷奸闖出入莫敢誰何遂誘我逃逃覘我虛實鎮南關外類多華人而臨安諸郡所在有夷賊矣於是撫臣屢請增置文武吏士控制彈壓然交人侵奪欽州里社我亦不能禁是時嗣弱儒懦無爲境內盜起羣下專權虐政暴征人不堪命正德十年闕遣阮仲達朝貢是年陳嵩作亂殺嗣奸酋莫登庸及其子方瀛結黎義昭等共推嗣從子諱嗣而討殺陳嵩嘉靖改元遣使詔諭嗣嗣且死七年矣諱不請封輒改元光紹嵩父子亦據諒山等府稱王改元天應莫登庸妻灝妻逼諱走海濱使命不能達而還當是時登庸遂與陳氏分據交地杜溫閏鄭綬不肯從登庸已而諱

皇明四夷考上卷 安南

一九

皇明四夷考上卷 安南

二〇

死登庸又曰灝有子應諱弟也矯立廬相拒交人曰灝死久矣廬本登庸子諱同母弟也嘉靖初田州岑猛叛兩廣總督姚鏐計鳩殺之謂岑氏可遂滅疏請設流官治田州而盧蘇王受諸孽輒通交南流言搖惑演嶺間人輟被論落職桂萼初嚮用言提督兩廣非新建伯王守仁不可遂起新建伯兼兵部尚書總制兩廣江湖諸省軍務新建伯至嶺南始知流官不可設請復官猛子邦相爲田州判官盧蘇亦與土巡檢羅廉之尋新建伯病謂翁萬達曰田州事非我本心後世誰諒我者新建伯初起用皆萼之力萼議禮致位卿輔欲立奇功會安南有亂冀可傳檄取之乃陰以意寓書授新建伯若專爲思田者使密探安南要領而新建伯不答直於奏尾稍及之萼遂恚憾會新建伯卒竟中傷革世爵

及卹典云嘉靖十五年袁冲太子生頒詔諸夷禮官言安南久不庭不必遣使請發兵討之下廷議諸大臣不可勅錦衣衛官使安南察之已而又遣禮部尙書黃綰翰林學士張治使安南時車駕巡承天綰治行有日又復止兩廣守臣言安南莫氏篡逆國內大亂時出侵掠遂命兵部尙書毛伯溫至廣東議方略進兵討莫氏會莫氏請命嶺南知府廉州張岳梧州翁萬達廣州鄒守愚及巡撫諸臣亦不欲用兵騷動數省條議上伯溫請赦莫氏以爲安南都統使會登庸死伯溫請以制命授其孫福海嘉靖二十年六月班師論功進秩賞賚有差未幾福海復爲黎寧所逐黎氏仍據國莫氏竄居南海島上朝廷置不問交趾東起欽州西歷左江北至臨安元江龍州其孔道憑祥其要害也由臨安經蒙

皇明四夷考上卷 安南

二一

自河蓮花灘至其東都可四五日其俗夷獠雜居不知禮義獷悍喜鬪不解耕種椎髻剪髮好浴善水平居不冠惟交愛人偶儻好謀驩演人淳秀好學其山川佛跡勾漏海富良江爲大產金珠珊瑚玳瑁丹珠諸香蘇合油胡椒羚羊角犀象兕白鹿猩猩沸沸白雉翡翠蜻蛇蟻子鹽鹽波羅密鳥木蘇木境內有越王城天使館浪泊柱銅鼓

兀良哈

皇明四夷考上卷 兀良哈

二二

兀良哈在烏龍江南漁陽塞北春秋時山戎地元爲大寧路戶四萬六千口四十四萬八千國初割錦義建利諸州隸遼東設都司於惠州領營興衛二十餘衛所謂北平行都司也洪武十四年封子權於大寧爲寧王二十二年分兀良哈爲三衛於橫水之北曰朵顏曰福餘曰大

寧處降胡以脫魯忽察兒海撒男奚阿札失里爲三衛指揮使同知並邊爲我藩籬靖難初首刼大寧兵及召兀良哈諸酋率部落從行有功途以大寧界三衛寧王移封南昌徙行都司於保定爲大寧都司令三衛歲二貢貢衛百人東起廣寧前屯歷喜峰近宣府爲朵顏自黃泥窪迤潘陽鐵嶺至開原爲福餘由錦義度遼河至白雲山爲大寧皆逐水草無恒居三衛朵顏最強分地又最險永樂中最親附宣德時嘗入漁陽塞上率諸將出喜峰關敗諸虜于寬河誅其大酋自後稍馴順正統中又叛侵盜東北關諸寨索鹽米賞賜而已以故喜峰密雲間有都指揮或都督鎮守驗貢夷已已福餘大寧結也先爲也先嚮道朵顏獨扼險不肯從也先至不能入塞不得利大掠福餘大寧人畜去始勅都御

皇明四夷考上卷 兀良哈

二三

皇明四夷考上卷 兀良哈

二四

史鄒來學經略已而設太監參將又設總兵景泰四年守臣言兀良哈貢使往來不絕爲瓦剌間諜詔自後使至伴二三人入京餘不得輒入關成化四年與北虜毛里孩通侵天城遣都督李鐸詰之十二年通仇加思蘭謀寇遼東勅邊臣備之然亦未敢大爲寇盜弘治中守臣楊友張瓊燒荒出塞掩殺邊蠻遂起正德初部落既蕃陽順陰逆累肆侵盜朵顏都督花當求添貢其子把兒孫深入擄掠動稱結親迤北恐中國革蘭台者花當孫也兀良哈朵顏爲大部朵顏花當爲貴種花當長子革列孛羅早死其弟把兒孫驍勇十年把兒孫入馬蘭谷塞殺參將陳乾遣都督桂勇討之把兒孫遣侄禿等來言請入貢且獻馬贖殺乾罪又謾言射林孛羅幹兒路阿刺忽旦夕且糾諸部大舉入寇令小失台

呼扯禿等去我亦幸無事奏虜退班師未幾入寇參將魏祥全軍覆沒時把兒孫狡劣屢謀奪適諸酋惡一不相附尋亦死花當種人皆附革蘭台革蘭台貢馬遲之未請嗣番官也邊臣言上兵部令譯部落後許貢革蘭台遂入寇漁陽諸小關堡皆殘破嘉靖十一年九月巡撫王大用欲通朵顏與厚賂城其霧靈山不果是時曾阿堆哈利赤數入建昌喜峰太平諸塞殺掠人畜革蘭台又乞陞官兵部言大用喜事請以毛伯溫代大用出漁陽巡撫伯溫至鎮虜益盜邊邊人不得耕牧二十年革蘭台挾北虜求添貢貢衛三百人不許請衛二百人又不許時時出沒塞下輒云結小王子旦夕大舉入塞會俺答吉囊自大同深入大原不得已許其補前貢失期者衛二百人二十一年內批胡守中侍郎兼

皇明四夷考上卷 七頁全

二五

皇明四夷考上卷 朝鮮

二六

憲職提督軍務撫勦守中險峻利乾沒內帑金多又擅出塞盡伐遼金以來松木百萬自撤藩籬徧索富人舊將領金錢言官劾守中論死西市巡撫徐嵩阿事守中削籍已而有發嵩乾沒庫金者逮謫戍二十二年叛人白通事道虜數侵我塞巡撫許論伏兵斬白通事論進官副都御史請告去朱方代論以請撤防秋兵太早爲虜所掠逮至京杖死闕下職方郎中韓昂亦杖死方清勁昂端諒皆有才識死非其罪也二十五年虜大入塞明年北虜道兀良哈入寇遼東兀良哈又結海西建州夷出入遼東西塞下

朝鮮

朝鮮周封箕子國也秦遼東外徵漢初爲燕衛滿所據武帝取爲眞番

臨屯樂浪玄菟四郡漢末爲公孫氏所據魏滅公孫晉并於高麗高麗本扶餘別種王高麗居平壤即樂浪已而東徙鴨綠江東南千餘里後唐時王建代高氏并有新羅百濟又徙東松岳以平壤爲西京子孫遣使朝貢宋遼金歷四百餘年元至元中西京內屬置東寧總管府洪武二年王王顥表賀即位遣符寶郎楔斯賜金印詔命大統曆金綺封爲高麗國王并賜王母妃相國諸陪臣文幣五年王顥遣其禮部尙書吳季南民部尙書子溫表貢方物表言暹羅國恃其險遠不奉朝貢蒙古人留居其國宜徙之蘭秀山遁逃所聚亦恐爲寇患乞發兵討之賜璽書言暹羅隸爾國蒙古亦人類蘭秀山遁寇示以朕詔一呼可至勿用兵便十年以高麗貢使煩數遣故元樞密使延安答里諭意顥遣門下

皇明四夷考上卷 朝鮮

二七

皇明四夷考上卷 朝鮮

二八

贊成事姜仁裕表謝貢方物上令賀正且使金潛及仁裕偕還賜王藥餌又諭中書省曰曩因高麗貢獻煩數遣延安答里往諭朕意今一歲迭至困罷其民涉海險遠如渠往使洪師範歸國覆溺幸有脫歸者言其故否且致疑古諸侯事天子比年一小聘三年一大聘若九州外遠番世一見而已貢物亦無過侈高麗去中國稍近人知經史文物禮樂略似中國非他邦比宜令三年一聘或比年一聘貢物產布十足足矣丞相其以朕意諭王諸新附遠邦來朝亦明告以朕意中書因使者還咨諭之十六年遣使張伯崔泊來貢以達命却之令禮部諭王十七年諭遼東守臣絕高麗十八年國人立王禡爲王禡貢布萬疋馬千匹謝是秋封禡爲高麗國王賜其故王顥諡恭愍十九年請易冠服不許二

十二年國相李仁人劫囚禍而立其子昌爲王遣使姜伯淮朝貢是年仁人子成桂廢昌而立定昌國院君王瑤主國事二十四年瑤遣使朝貢又令其子夷朝明年正月詔位尙書下是年令市高麗馬萬匹索闡人二百二十五年成桂囚瑤及夷於其私第自主國事是年知密直司事趙胖等以其國都評議司奏至奏言恭愍王薨無嗣李仁人以他人子禍主國事昏暴好殺謀侵遼東大將李成桂力阻乃已禍自知負罪遜位於子昌國人弗順啓恭愍王妃安氏擇立宗親定昌國院君王瑤權國事及今四年昏迷信讒其子夷亦癡厥縱酒色與禍黨玄禹實等謀復禍位守門下侍中鄭夢周曲附王瑤謀害成桂及趙俊鄭道傳南閻等今年七月國中臣民以安妃之命退瑤於私第擇于宗親無可立

皇明四夷考上卷 朝鮮

二九

皇明四夷考上卷 朝鮮

三〇

者衆推門下侍郎李成桂主國事上曰朕中國綱常所在列聖相傳守而不失高麗限山隔海僻處東夷非我中國所治且事多隱曲不可據信令禮部移文從其自爲聲教成桂更名且徙居漢城遣使請更國號詔更號朝鮮且遣使請印誥上覽表怪且不遜詰使者使者言表鄭集撰上盡却方物案集且懼送集至京安置雲南二十七年令遼東絕朝鮮二十九年請印誥不許三十一年府部請發兵討朝鮮不許且老請子芳遠嗣且卒諡康獻永樂元年賜金印誥命冕服九章圭玉珮玉列女傳春秋會通大學衍義通鑑綱目諸書十七年芳遠老請子嗣嗣芳遠卒諡恭定宣德初賜禰五經四書性理大全通鑑綱目五年禰遣使獻海青鷹使還賜王磁器論禰王國中多珍禽異獸然朕所欲不在此

後勿獻自後聖旦元旦皆使朝貢王請封慶弔謝使來無常期朝廷有大政頒詔其國及王請嗣封皆遣使正統間賜王遠遊冠絳紗袍翼善冠龍衮玉帶景泰元年禰卒命子瑄嗣瑄卒賜諡恭順命子弘璋嗣弘璋幼叔瑑以讓位請七年封瑑爲王瑑後不知幾傳而瑑立正德元年娶卒諡康靖子懌立踰年而世子顥卒懌病風遜其弟懌正德二年懌立十五年封子懌爲世子嘉靖二十三年懌卒二十四年懌立未踰年卒二十四年懌弟頤立三十六年封長子顥清爲世子頤疏乞改大明會典中所載成桂篡逆事從之其國東西南濱海北鄰女直西北至鴨綠江東西相距二千里南北四千里分八道統府州郡縣俗柔謹知文字喜讀書崇釋尙鬼惡殺戴折風巾服大袖衫男女相悅爲婚死三年

皇明四夷考上卷 朝鮮

三一

皇明四夷考上卷 琉球

三二

始葬飲食用俎豆官吏閑威儀居皆茅茨衣多麻苧以田制俸以秋醴酒法無苛條刑不慘毒山川丸都神嵩北岳海鴨綠江爲大產金銀鐵水晶鹽紬苧布白碾紙狼尾筆果下馬長尾雞貂豹納海豹皮八梢魚昆布杭黍麻榛松人參茯苓

琉球

琉球在海東南自福建梅花所開洋順鷗利船七日可至漢魏至唐宋不通中國隋唐嘗遣兵虜其男女五千人元遣使招諭竟不從洪武初國分中山山南北稱三王遣使朝貢十五年賜中山王察度山南王承宗鍍金銀印金幣使還言三王爭雄相攻賜詔諭之并諭山南北王怕死芝十六年賜山北王印文綺王妃姪相察官各有差二十五年中山遣

子姪及其陪臣子弟入國學上喜禮遇獨優賜閩人三十六姓善操舟者令往來朝貢永樂二年察度卒詔封其世子武寧嗣王是年山南王承察度卒無子令其從弟汪應祖攝國事應祖使來請命如山北王故事論鑿尙書遣使賜應祖冠服嗣山南王九年中山王恩紹令坤宜堪彌貢馬及方物以其長史程復來見表言長史王茂輔導有年乞陞國相兼長史事又言復本中國饒州人輔臣祖察度四十餘年不解于職今年八十有一乞令致仕還其鄉上從之陞復琉球國相兼左長史致仕還饒茂國相兼右長史景泰元年中山王尙恩達遣人朝貢三王嗣封皆請於朝已而山南山北爲中山所并中山遣使朝貢令三年一貢貢無過百五十人察度後五傳至尙圓嗣王卒子尙眞嗣嘉靖十一年

皇明四夷考上卷 琉球

三三

尙眞卒子尙清請嗣遣左給事中陳侃行人高澄以太牢祀眞封清嗣王賜王妃冠服錦幣使臣疏言弘治正德時修課羅倫等嘗使安南安南乞留詔勅爲鎮國之寶倫爲請得留即琉球請留如安南海外遠不得即請乞下禮官議議請如安南使至國授封王拜曰天朝詔勅藏金匱者八葉于茲矣請留使許之比還遣其王親寧吉長史蔡瀚上表謝使上使琉球錄言大明一統志中載琉球有落際王居壁下聚饌饌非實事杜氏通典集事淵海虞蟲錄星槎勝覽所述亦皆傳者妄也乞下史館從之其俗以盈虛爲晦朔以草木爲冬夏人皆去髭鬚手羽冠毛衣無禮節好剽掠既遣人學於國學夷習稍變奉正朔設官職被服冠裳陳奏章表著作篇什有華風焉今其國中王下有王親不與政次法

皇明四夷考上卷 琉球

三四

司官次察度官司刑名次那霸港官司錢穀次耳目官司訪問皆土官爲武職以上世及所轄地爲姓名其大夫長史通事官司朝貢有定員爲文職皆三十六姓人及學於國學者爲之王并日視朝且中辰凡三朝羣臣搓手膜拜尊且親者入殿坐飲酒卑疏者移時長跪階下歲元旦聖節長至君臣冠服拜龍亭祝慶子爲親喪數月不肉食人死以中元前後日浴尸溪水去腐肉取骨纏以布帛裹草埋土中王及諸臣家匣骨藏山穴毀木爲小牖歲時祭掃啓視之地無貨殖不通商賈朝貢乘大航海上漁鹽泛小艇無竹筏信鬼畏神神以婦人爲尸號女巫女巫之魁稱女君白日呼嘯聚輒數百人携枝戴草騎步縱橫時入王宮褻遊狎戲一唱百和音聲悽慘倏忽往來莫可踪跡馮附淫昏矯誣

皇明四夷考上卷 琉球

三五

禍福王及世子陪臣皆頓首拜跪王居山巖國門名歡會府門漏刻殿門奉神朴素無金碧之飾賦法略如井田王臣民各分土爲祿食上下無征歛有事一取諸民事已卽已用刑甚嚴盜竊卽刺家富貴者瓦屋不過二三楹餘皆茅土風雨飄搖以螺殼疊無釜甑耕無鐵婦人嚼米爲酒男子煮海爲鹽市用日本錢十富一如宋季驚眼綆貫人無貴賤皆驍健耐勞苦饑寒不知醫藥而無疾疫兵甲堅利射可至二百步進止有金鼓鄰國視爲勍敵然好爭狠鬪輒刃殺人度不能脫卽剖腹自斃其山川嶺嶼彭湖島爲大或曰國西古米山有礁甚險舟至輒敗卽落際也產馬海巴牛皮磨刀石硫黃銅錫扇山無猛獸以故多野馬牛豕鬪鑊木蘇木胡椒諸香非其產也又有小琉球近泉州閩人

皇明四夷考上卷 琉球

三六

言霽日登鼓山可望而見入朝國未嘗朝貢或曰并入琉球琉球旁有毗舍那者島中小夷鳥語鬼形袒裸野雖殆非人類不通中國

女直

女直古肅慎氏在混同江東東瀕海西接兀良哈南鄰朝鮮北至奴兒干其地有長白山橫亘千里高二百里巔上有潭周八十里南流爲鴨綠江北爲混同混同江在開原城北千五百里又有松花江在開原城東北千里黑龍江在開原城北二千五百里與混同皆南入松花元設諸府路領混同江南北水達達及女真人明興遣人招諭永樂九年春遣將將水軍駕巨艦至江上召集諸酋豪餌以官賞於是東旺佟答剌哈王肇州瑣勝哥四酋率衆降始設奴兒干都司以四酋爲都指揮賜

皇明四夷考上卷 女直

三七

皇明四夷考上卷 女直

三八

勅印又置衛所三百八十二官諸小酋爲指揮千百戶鎮撫又有地面五十八站七寨一皆令三歲朝貢官賞驛廩之又置馬市開原城通交易稍給鹽米布贍諸酋豪使保塞不爲邊寇盜各路有水陸城站自湯站東抵開原曰建州毛鄰海西野人兀者皆有室廬建州最強開原北近松花江者曰山夷又北抵黑龍江曰江夷亦有室廬江夷爲強建州毛鄰北渤海氏遺孽喜耕種善紡紡飲食衣服頗有華風海西有山夷即熟女直完顏餘種亦務耕稼婦女喜金珠倚山作寨亦名山寨夷江夷居黑龍江即生女直數與熟女直讐殺百十戰不休諸夷皆善射馳獵好盜建州夷尤善治生其左右二衛最無賴江夷以北有阿哈斐得悍狡自相雄長大抵東北諸夷建州處要害居中與諸夷勢聯絡相擒

角五嶺喜昌石門險隘人騎不得成列虜人視爲咽喉永樂間開原降

虜楊木答戶者率數百騎奔建州已而建州酋李滿住款塞求內附駐

牧蘇子河日強盛靖難未久專事撫綏桀驁漸爲邊患一歲間入寇者

九十七殺虜吏民十萬餘正統末附也先入塞侵遼東西景泰中諸酋

多死也先之亂靈失賜勅諸子孫不得請官以舍人入貢賞宴大減以

故怨忿思叛成化二年酋董山遂糾衆入寇三年武靖伯趙輔充總兵

都督王瑛封忠爲副左都御史李秉晉軍率漢番京邊官軍五萬討之

山降送京師放歸廣寧輔秉曰山不可宥請誅山九月分左軍出潭河

柴河越石門土木河至分水嶺右軍由鴉鶻關喜昌口過鳳凰城黑松

林摩天嶺至潑猪江中軍自撫順經薄刀山鮎魚嶺過五嶺度蘇子河

皇明四夷考上卷 女直

三九

皇明四夷考上卷 女直

四〇

至虎城期日會兵進勦朝鮮亦遣中樞府知事康純魚有沼南怡率兵萬人遏其東走我兵擣賊巢虜遁擒斬俘獲虜指揮若女等千人班師指揮張額的里率妻子乞降朝廷憐而釋之明年留韓斌爲副總兵防守築撫順清河豐陽諸堡未幾諸夷憤欲報山讐相約入寇十四年入塞殺掠人畜無算巡撫陳鉞掩降虜爲功又附太監汪直開邊隙出塞撲殺諸夷諸夷益恨我大入塞殺掠吏民遣兵部侍郎馬文升反直撫勦直倖用事幸功陰爲鉞地要文升偕行文升弗聽疾馳至鎮撫定黑鎖忒諸酋比直至虜已解散直大怒文升還奏文升妄啟邊釁謂女直建州諸虜皆以文升曩在鎮禁不與易農器故屢寇塞上遣直及刑部尙書林聰即訊遼東報上盡如直言下文文升詔獄文升言實禁鐵器非

農器不聽竟謫戍重慶已而直敗貶內使南京鉞亦敗下詔獄文升得雪復官致仕正德八年海西加哈又叛嘉靖二十四年巡撫於敖減賞物夷人大譁不能拊順詐殺諸諱會夷人大恨數入塞殺掠大慘胡宗明代敖不能禦降浙江參議二十七年大虜通兀良哈諸女直入遼東代宗明巡撫李珣又論罷遼東西大困產楮矢石罄赤玉真珠金麻布鹽馬黃狍虎羆狐狸海上有海豹驢獐猪羊狗野有野猪牛驢貂鼠青鼠失刺孫好刺殊角殊角即海象牙魴鬚鯨睛海東青鸞鶴鶻鶻兔鶻鱗鯉牛魚粟麥稌

三佛齊

三佛齊即舊港又名泮淋在東南海中本南蠻別種初隸瓜哇有地十

皇明四夷考上卷 三佛齊

四一

皇明四夷考上卷 三佛齊

四二

五州東距瓜哇西距滿刺加南距大山西北濱海番舶輻輳多廣東漳泉人士沃宜稼穡人好賭博習水戰服藥刀不能傷遇敵敢死鄰國畏之水多土少將領得居陸民率架筏水中架梁柱語言如瓜哇市用錢布字用梵書其屬有單馬令凌牙斯達豐登牙儂細蘭諸國洪武初王恒麻沙那阿稱臣入貢四年遣玉的力馬罕亦里麻思奉金字表朝貢賜大統曆文幣六年使來貢八年使從我招諭拂菻十年恒麻沙那阿卒賜王子麻那者巫里三佛齊國王印印駝鈕銀質鍍金是時廣東有陳祖義者脫罪避居其國久之得爲將領暴橫掠過客永樂中太監鄭和統海船下西洋至三佛齊有施進者祖義鄉人也訴于和和擒殺祖義承制官進仍留舊港爲將領進沒女嗣官產鷄頂火雞神鹿金銀水

晶珠瑠璃珊瑚犀角象牙龍腦諸香貓睛石薔薇水阿魏沒藥血結鶴頂鳥大於鴨腦骨厚寸餘外黃內赤鮮麗可愛火鷄大於鶴頸足亦似鶴軟紅冠銳喙毛如青羊色爪甚利傷人腹致死食炭神鹿大如巨豕高可三尺短毛豕喙蹄三趾

占城

占城古越裳秦林邑漢象林漢末區連殺縣令自稱林邑王遂不入版圖唐元和初改號占城宋淳熙中襲破真臘慶元中真臘復讐俘殺幾盡更立真臘人爲主洪武二年遣吳用顏宗魯楊載等使占城瓜哇日本等國賜王璽書是年遣使蒲旦麻都朝貢言安南侵境上遣使招諭安南罷兵是年國王主阿答阿者遣虎都蠻來朝貢虎象遣中書省管勾

皇明四夷考上卷 占城

四三

皇明四夷考上卷 占城

四四

甘桓會同館副使路貢賢封阿答阿者爲占城國王賜大統曆金綺四年阿答阿者遣答班瓜卜農奉金葉表朝貢言安南數侵境乞賜兵器樂人俾安南知我乃聲教所被輸貢之地不敢輒欺負上憐之命中書省咨王言交鄰有道事上以誠占城安南既皆臣事朝廷豈可擅兵相毒即咨安南令其罷兵兵器不爾咨但以安南故賜爾是助爾構兵也樂器有聲律華夷方言本異中國人不可遣遣爾國人能習華音者來習肄十六年遣子來賀聖節賜勅合文冊二十四年使至以臣弒君故絕之永樂四年王占巴鎖里人勅王的賴得黎賊父子及其黨惡即械送京尙書陳洽在南交軍中馳奏占城國王占巴的賴奉命出兵討安南陰懷二心愆期不進及進至化州輒肆虜掠又以金帛戰象資李擴

中國少數民族古籍集成(漢文版)

總類·綜述

〇一四

季擴亦以黎蒼女遣之復約季擴舅陳翁挺等三萬餘人復侵升華府

隸四州十一縣地驅掠人民罪下季擴一等耳請發兵討之上以交趾

初平不欲窮兵遠夷遣使諭王歸我侵地永樂後遣人朝貢令三年一

貢正統六年國人請封其嗣王遣使冊封成化中遣使冊封正使卒海

上副使諭罪戍邊其國在大海南南距真臘西距交趾東北際海自閩

長樂五虎門西南行順風可十日至東北百里海口立石塔爲標舟至

是繫焉俗獷悍果于戰鬪尙釋教王冠三山金花玲瓏冠衣白跣足乘

象或黃犢車臣莖葉冠男蓬頭女後椎結所居茅茨不得踰三尺衣紫

衣衣少黃罪死出入乘象馬粒食亦鮮食殺牛祭鬼驅象逐邪市用金

銀焚衣祭天釀酒甕中俟熟賓主繞甕坐筒而傾且注水味盡而

皇明四夷考上卷 占城

四五

皇明四夷考上卷 占城

四六

止文書用羊皮及黑木皮無閏月晝夜各分五十刻王當賀日沐人膽

汁將領獻人膽爲賀王在位三十年卽入山茹素受戒令子姪攝國居

一歲籲天矢日我不道當充虎狼食或病死非年得無恙復入爲王於

是國人呼爲芳嚟馬哈刺札云有號屍致魚者婦人也目無瞋夜飛頭

入人家食小兒穢氣侵兒腹兒卽死頭返合體如故失其體不得合卽

死夫不聞者罪之產金銀錫鐵獅象犀牛瑪瑙諸香朝霞大火珠菩薩

石薔薇水猛火油檳榔諸文異木胡椒白藤吉貝絲絞白氈布孔雀山

雉伽南香惟此地有之價亦高觀音竹如籐長丈八尺許色黑如鐵寸

二三節犀角象牙最多犀如水牛大者八百斤體黑無毛蹄有三跖獨

角在鼻端長者可尺五寸馬小於驢玻璃密形如東瓜

日本

日本古倭奴國海中諸夷倭奴最大西南至海東北大山國主世以王

爲姓羣臣亦世官地分五畿七道三島又有附庸國百餘拘邪韓最大

其國小者百里大不過五百里戶少者千多止一二萬皆倭種也漢滅

朝鮮通使稱王者三十餘國倭王最雄長者居邪馬臺卽邪摩羅歷漢

魏晉宋隋皆朝貢稍習華音唐咸亨初惡倭名更號日本國朝洪武二

年倭寇山東並海郡縣又寇淮安三年寇山東轉掠浙東福建旁海諸

郡是年遣萊州府同知趙秩賜璽書諭其王良懷言倭寇海上書至日

如臣我奉表來庭不臣則修兵自固秩至諭王中國聖主威德實其入

貢王曰吾國未嘗不慕中國願蒙古戎狄蒞華以小國視我乃使趙良

皇明四夷考上卷 日本

四七

皇明四夷考上卷 日本

四八

弼誅我好語初不知其覘我國也旣而發舟數千襲我比至一時風震

漂覆幾無遺類自是不與通者數十年爾得非良弼後乎將刃之秩徐

曰聖天子生華帝華非蒙古比我亦非良弼後爾殺我禍不旋踵王氣

沮禮秩具物遣僧隨秩奉表稱臣入貢使未至又掠温州五年上諭劉

基曰東夷尙禪教姑遣明州天寧僧祖闡南京瓦官僧無逸開諭之良

懷欲留二僧力辭王遣使同二僧入貢是年寇海鹽澈浦温州初令浙

江福建造海舟防倭而倭又寇福建海上諸郡六年以於顯爲總兵官

出海巡倭倭寇登萊七年寇膠州是年遣僧來貢無表文却之其臣亦

遣僧貢馬茶布刀扇上曰此私交也亦不受令中書省移文責王九年

遣僧歸廷用等奉表貢馬及方物謝罪賜王及使文綺有差已而上覽

表曰良懷不誠詔責之十二年來貢無表文安置使人於陝西番寺十二年遣使詔諭良懷遣僧如瑤貢馬令禮部移書責王數掠我海上復却之諸僧皆安置川陝番寺十四年遣僧入貢乞還安置諸僧使上曰日本既謝罪還其使召至京宴賞遣歸十五年歸廷用又來貢於是有林賢之獄曰故丞相胡惟庸通日本蓋祖訓所謂日本雖朝實詐暗通奸臣胡惟庸謀爲不軌故絕之也是時惟庸死且三年矣十六年寇金鄉平陽十七年如瑤又來貢坐通惟庸發雲南守禦是年信國公和致仕居鳳陽上召至京諭曰日本小夷屢擾東海上卿雖老強爲朕行視要地築城防此賊信國公築登萊至浙沿海五十九城民丁四調一爲戍兵二十年置浙東西防倭衛所是年遣江夏侯周德興築福建海上

皇明四夷考上卷 日本

四九

皇明四夷考上卷 日本

五〇

十六城設衛所遂築福建漳泉人爲兵戍並海衛所二十六年寇金鄉二十七年二月遣都督僉事劉德商巡視兩浙防倭三月又勅都督楊文尋又勅魏國公徐輝祖安陸侯吳傑練浙江海上兵防倭二十八年寇金州靖難後太監鄭和等率舟師三萬下西洋日本遣人來貢并擒獻犯邊賊二十餘人即付使人治之縛置甌中蒸死永樂二年使還遣通政趙居任賜王冠服文綺金銀古器書畫又給勒合百道令十年一貢每貢正副使等毋過二百人若貢非期人船踰數夾帶刀鎗並以寇論居任還不受王餽上喜厚賜之尋命僉都御史俞士吉賜王印詔冊封爲日本國王詔名其國之鎮山曰壽安鎮國山上爲文勒石久之嗣王道義卒子源道義嗣益奸狡時時令各島人掠我海上九年寇盤

石十五年寇松門金鄉平陽是年遣禮部員外郎呂淵諭王還所掠海上人十六年遣使謝罪當是時數入金蓋都督劉榮總兵守遼東繕海上墩堡伏兵伺之十七年倭船入王家山島傳烽杳至榮率精兵疾馳入望海塢賊數千人分乘二十舟直抵馬雄島進圍望海塢榮發伏出戰遣奇兵布伏諸山下斷其歸路賊奔入櫻桃園榮合兵圍而攻之斬首七百四十二捕生八百五十七召榮至京封廣寧伯自是不敢窺遼東二十年寇象山初方國珍據溫台處張士誠據寧紹杭嘉蘇松通泰諸郡皆在海上方張既降滅諸賊強豪者悉航海糾島倭入寇以故洪武中倭數掠海上高皇既遣使命將築城增戍又命南雄侯趙庸招蛋戶島人漁丁買豎蓋自淮浙至閩廣幾萬人盡籍爲兵分十千戶所於

皇明四夷考上卷 日本

五一

皇明四夷考上卷 日本

五二

是海上惡少皆得衣食於縣官洪武末年海中方張諸通賊壯者老老者死以故旁海郡縣稍得休息永樂初西洋之役雖伸威海表而華人習知海夷金寶之饒夷人來貢亦知我海道奸闖出入華夷相糾以故寇盜復起非廣寧之捷禍未已也宣德元年遣人來貢人船刀劍不奉我約束上諭使臣自後貢毋過三舟使人毋過三百刀劍毋過三十否不受七年遣人來貢如約束受之八年源道義卒命太監雷春少卿潘賜等弔祭十年嗣王遣使貢謝倭自得我勒合方物戎器滿載而來遇官兵矯云入貢貢即不如期守臣幸無事輒請俯順夷情主客者爲畫可條奏即復許貢云不爲例嗣後再至亦復如之我無備即肆出殺掠滿載而歸宣德末年海防益備賊不得間貢稍如約遂許夷至京師宴

賞市易飽恣其欲已而備禦漸疎正統四年寇大嵩入桃渚官庾民舍焚劫一空驅掠少壯發掘家墓東嬰孩竿柱上沃之沸湯視其啼號拍手笑樂捕得孕婦付度男女剝視中否爲勝負飲酒荒淫穢惡至有不可言者積骸如陵流血成川城野蕭條過者隕涕於是朝廷下詔備倭命重帥守要地增城堡謹斥堠修戰艦合兵分番屯駐海上寇盜稍息七年來貢十一年寇海寧乍浦成化初忽至寧波知我有備矯稱進貢守臣爲請於朝且欲遣之至京楊文懿公守陳貽書張主客力言其不可許二十年遣周瑋等來貢弘治八年壽葵來貢正德六年宋素卿源永壽來貢求祀孔子儀注不許鄆人朱澄告言素卿本澄從子叛附夷人守臣以聞主客以素卿正使釋之令諭王效順無侵邊八年僧桂梧

皇明四夷考上卷 日本

五三

等來貢嘉靖元年王源義植無道國人不服諸道爭貢大內藝興遣僧宗設細川高遣僧瑞佐及素卿先後至寧波故事凡番貢至者閱貨宴席並以先後爲序時瑞佐後至素卿奸狡通市舶太監饋寶賄萬計太監令先閱瑞佐貨宴又令坐宗設上宗設席間與瑞佐忿爭相讐殺太監又以素卿故陰助佐授之兵器殺總督備倭都指揮劉錦大掠寧波旁海鄉鎮素卿坐叛論死宗設瑞佐皆釋還給事中夏言上言禍起於市舶禮部遂請罷市舶而不知所當罷者市舶太監非市舶也夷中百貨皆中國不可缺者夷必欲售中國必欲得之以故祖訓雖絕日本而三市舶司不廢市舶初設在太倉黃渡尋以近京師改設於福建浙江廣東七年罷未幾復設蓋東夷有馬市西夷有茶市江南海夷有市舶

皇明四夷考上卷 日本

五四

所以通華夷之情遷有無之貨收徵稅之利減戍守之費又以禁海買抑奸商使利權在上罷市舶而利孔在下奸豪外交內訬海上無寧日矣番貨至輒賒奸商久之奸商欺賈多者萬金少不下千金轉展不肯償乃投賁官家久之賁官家又欺賈不肯償貪戾甚於奸商番人泊近島遣人坐索久之竟不肯償番人乏食出沒海上爲盜賁官家欲其亟去輒以危言憾官府云番人據近島殺掠人奈何不出一兵備倭當如是及官府出兵輒齎糧漏師好語啗番人利他日貨至且復賒我如是者久之番人大恨諸賁官家言我貨本倭王物爾價不我償我何以復倭王不掠爾金寶殺爾倭王必殺我盤據海洋不肯去近年龍賂公行上下相蒙官邪政亂小民迫於貪酷苦於徭賦困於飢寒相率入海從

皇明四夷考上卷 日本

五五

之兇徒逸囚罷吏黠僧及衣冠失職書生不得志羣不逞者皆爲之奸細爲之嚮導人情忿恨不可堪忍弱者圖飽煖旦夕強者奮臂欲洩其怒於是王忤瘋徐必欺毛醺瘋之徒皆我華人金冠龍袍稱王海島攻城略邑劫庫縱囚遇文武官發憤斫殺即伏地叩頭乞餘生不聽而其妻子宗族田廬金穀公然富厚莫敢誰何浙東大壞二十五年以朱純爲浙江巡撫都御史兼領興福漳泉治兵捕賊執清諒方勤任怨任勞嚴戢閩浙諸賁官家嘗言去外夷之盜易去中國之盜難去中國之盜易去中國衣冠之盜難上章銷暴賁官通番二三渠魁於是聲勢相倚者大譁切齒詆誣惑亂視聽改執爲巡視未幾言官論劾又遣言官即訊甘心煨煉必欲殺執執憤悶卒執所任福建有功海道副使柯喬都

皇明四夷考上卷 日本

五六

指揮盧鏜殺賊有功皆論死繫按察司獄於是華夷羣盜睡手肆起益無忌憚三十一年殘黃巖掠定海浙東騷動遣都御史王忬巡視兩浙兼領漳泉興福四郡以都指揮俞大猷湯克寬爲浙閩參將勦賊顧兵政久弛將士耗鈍水寨戰艦所在廢壞忬經略未幾羣賊總至柵寨列港外約諸島內招亡命勢益猖獗三十二年大猷冒險出洋焚蕩巢穴首賊逸去羣偷流散乘風奔突倏忽千里溫台寧紹杭嘉蘇松揚淮十郡並受其害克寬統領步兵往來海壇護城捕賊斬獲亦多忬不肯隱敗冒功擒治奸豪破解支黨大猷克寬兩參將皆知勇可任徒以江南人素柔軟賊未登岸望風奔潰文武大吏未能以軍法繩下而有司往往以軍法脅持富人巧索橫斂指一科百師行城守餉儲百物類多乾

皇明四夷考上卷 日本

五七

皇明四夷考上卷 日本

五八

沒十不給一廉謹之士又謂南人善謗低頭束手不敢動一錢於是公私坐困戰守無策始釋柯喬起盧鏜而賊船聯翩滿海破昌國臨山鄞甯乍浦甯村兩滙吳淞江諸衛所圍海鹽太倉嘉定入上海掠華亭海寧平湖餘姚定海諸州縣焚劫殺戮汚辱慘於正統時矣而通番奸豪又言忬大猷搗巢非計且搖動忬忬薦鏜起爲閩參將代克寬克寬以副總兵將屯金山閩人故忌鏜劾鏜凶險不可用南京言官又復薦鏜三十三年遂犯江北海門如阜通州皆被殺掠是時復用盧鏜爲參將而以俞大猷爲浙直總兵未幾工部侍郎趙文華以海賊猖獗請禱海神遂遣文華行禱公私勞費不貲皆歸囊橐比忬改大同巡撫徐州兵備李天龍代忬南兵尙書張經提督浙閩江南北軍務有王江涇之捷

文華素忌經天龍遂奏經天龍違詔獄論死西市而以浙江巡按胡宗憲代天龍南戶部侍郎楊宜代經自後賊益熾縱橫出入二十六郡文華還朝未幾又出監督諸軍搜括官庫富豪金寶書畫數百萬計交通蒙蔽以敗爲功以功爲罪雖有沈莊梁莊之戰竟莫救荼毒之慘兩浙江淮閩廣所在徵兵集餉提編均徭加派稅糧截留漕粟扣除京帑諸給餉課迫脇富民釋脫凶惡濫授官職浪費無經其爲軍旅之用纔十之一征發漢土官兵川湖貴廣山東西河南北靡不受害臨賊驅之前賊退遣之不去散爲盜賊行者居者感受其害於是外寇未寧而內憂益甚矣宗憲計擒賊首王直浙西江東稍得安靖浙東溫台江北海淮揚閩中嶺表尤被其毒已而俞大猷被中傷盧鏜代之賴朝廷聖明大

皇明四夷考上卷 日本

五九

皇明四夷考上卷 日本

六〇

猷得不死江北巡撫李遂有廟灣之捷入南兵部爲侍郎唐順之代遂福建巡撫王詢數有功畏譏引疾去代者劉燾宗憲以擒直功陞右都御史加太子太保叙子錦衣千戶先是文華陞工部尙書以論吏部尙書李默即加太子太保又以征倭功加少保子騰錦衣千戶不數月文華削籍千戶謫戍榆林自壬子倭奴入黃巖迄今年閩浙江南北廣東人皆從倭奴大抵賊中皆華人倭奴直十之一二久之奸頑者嗜利貧窘者避徭賦往往喜賊至而貪殘之吏又從而驅之封疆之臣輒請添官當事者不敢阻於是添設都御史三人總兵一人副總兵二人參將十三人兵備副使十一人諸將校近百人田賦倍於常科徵徭溢於甲式矣其俗男子魁頭斷髮跼面文身婦人被髮屈紒皆跣足間用屨